

Canllawiau Ariannu

Mae'r ddogfen hon yn amlinellu'r hyn rydym ni am ei ariannu ac mae'n cael ei hadolygu'n flynyddol. Rydym ni'n gwneud diweddariadau i'r ddogfen hon yn seiliedig ar yr adborth a dderbyniwn er mwyn sicrhau eglurder.

Mae'r holl wybodaeth hon hefyd ar gael [ar ein gwefan y gellir ei chyrchu drwy glicio yma](#). Os hoffech wneud cais, defnyddiwch ein [porth ar-lein y gellir ei gyrchu drwy glicio yma](#). Cyn i chi wneud hynny, edrychwch ar y ddogfen hon neu ein gwefan i gael rhagor o wybodaeth am y grantiau a wnawn a sut i wneud cais. Gallwch hefyd weld [fersiwn PDF o'n ffurflenni cais cam cyntaf ac ail gam drwy glicio yma](#). Os oes gennych chi unrhyw ymholiadau ychwanegol, mae croeso i chi gysylltu ag aelod o'r tîm.

Cynnwys

1. Cyflwyniad
2. Pwy all wneud cais
3. Yr hyn rydyn ni'n edrych i'w ariannu
4. Yr hyn nad ydym yn ei ariannu
5. Proses ymgeisio, gan gynnwys ein hymagwedd tuag at hygyrchedd, ac amserlenni
6. Ein gwerthoedd a'n hymagwedd tuag at Amrywiaeth, Tegwch a Chynhwysiant
7. Cwestiynau cyffredin a dolenni defnyddiol

Cyflwyniad

Ein nod cyffredinol fel sefydliad yw hyrwyddo lles i bobl, cymdeithas a'r byd naturiol. Mae'r canllawiau ariannu hyn yn ymwneud â'n strategaeth ar gyfer 2025 i 2030. Gallwch [ddarllen ein strategaeth yn llawn trwy glicio yma \(mewnysod y ddolen\)](#). Ffocws ein strategaeth bresennol yw ymateb i'r oes hon o aflonyddwch sylweddol a bygythiadau byd-eang rhyng-gysylltiedig. Mae'r canllawiau hyn yn esbonio sut rydym ni'n bwriadu cyflawni hyn trwy ein grantiau.

Wrth roi grantiau, rydym ni am gefnogi sefydliadau elusennol sydd yn eu hanfod wedi ymrwmo i sicrhau hawliau pobl, cymdeithas a'r byd naturiol ar gyfer cenedlaethau'r presennol a'r dyfodol. Mae'r canllawiau hyn yn amlinellu'n fanwl beth rydym ni'n ei olygu wrth hyn.

Pwy all wneud cais

Rydym ni'n wneuthurwr grantiau bach sy'n derbyn llawer mwy o geisiadau nag y gallwn ni eu cefnogi. Rhwng 2020/21 a 2024/2025 cynyddodd niferoedd ein ceisiadau am grant o 251 i 500 o geisiadau cam cyntaf. Nid oeddem yn gallu cynyddu ein cyllideb grantiau i ateb y galw hwn, gan ein bod yn cael trafferth sicrhau enillion ariannol targed chwyddiant a phedwar y cant o'n buddsoddiadau. Mae'r lefel hon o alw yn golygu mai dim ond y ceisiadau sy'n cydfynd gryfaf â'n meini prawf y gallwn ni eu hariannu. Rydym ni'n cyhoeddi ein cyfraddau llwyddiant cais yn flynyddol yn ein hadroddiad blynyddol a'n cyfrifon.

Meini prawf cymhwysedd sylfaenol

Er mwyn ystyried eich cais, rhaid i chi fodloni'r holl feini prawf cymhwysedd canlynol. Nid ydym yn gallu gwneud eithriadau i'r meini prawf hyn, oherwydd nifer y ceisiadau a dderbyniwn.

1. Derbyn incwm blynyddol o rhwng £100,000 a £10,000,000, ac wedi cyhoeddi cyfrifon sy'n tystio i hyn. Nid ydym yn ariannu sefydliadau is na uwch na'r ystod incwm hon. Yr unig eithriad i hyn yw sefydliadau amgylcheddol sy'n gweithredu fel cyfryngwyr ar gyfer gwaith sy'n digwydd yn Nhiriogaethau Tramor y DU.
2. Bod yn elusen gofrestredig yn y DU. Os ydych chi'n sefydliad ymgyrchu sydd â rhesymau cryf a chlir dros beidio â bod yn elusen gofrestredig yn y DU, gan gynnwys methu cofrestru, yna gallwch wneud cais atom fel cwmni cyfyngedig trwy warant, gan gynnwys CICs, gyda chlo asedau neu fel sefydliad a gynhelir yn ariannol. Rhaid i chi fodloni ein holl feini prawf ariannu eraill. Gweler ein hadran 'Cwestiynau cyffredin a dolenni defnyddiol' ar ddiwedd y ddogfen hon am fwy o fanylion.
3. Bod o fewn ein cylch gwaith daearyddol. Rhaid i chi naill ai:
 - a. Gael effaith ar lefel genedlaethol neu y lefel y DU a bod wedi eich lleoli yn y DU. Gall eich sefydliad fod o unrhyw ran o'r DU a rhaid iddo ddangos tystiolaeth o'r gwahaniaeth mae'r gwaith rydych chi'n ei wneud yn ei gael ar lefel genedlaethol neu lefel y DU. Mae lefel genedlaethol yn golygu bod eich gwaith yn cael effaith ar draws Gogledd Iwerddon, Cymru, yr Alban neu Loegr yn unig. Mae effaith ar lefel y DU yn golygu bod eich gwaith yn cael effaith ar draws dwy neu fwy o'r cenhedloedd. Os ydych chi'n sefydliad lleol sy'n gwneud gwahaniaeth yn lleol yn unig, heb gael unrhyw ddylanwad yn genedlaethol nac ar lefel y DU, yna ni fydd eich cais yn llwyddiannus.

- b. Bod yn cyflawni gwaith amgylcheddol sy'n gysylltiedig â'r argyfwng planedol driphlyg yn Nhiriogaethau Tramor y DU. Mae rhagor o fanylion am wneud cais am waith sy'n ymwneud â Thiriogaethau Tramor y DU i'w gweld yn yr adran 'Cwestiynau cyffredin a dolenni defnyddiol' ar ddiwedd y ddogfen hon.

Ariannu sefydliadau sy'n cael eu rhedeg yn dda

Rydym yn ariannu sefydliadau sy'n cael eu rhedeg yn dda. I ni, mae hyn yn golygu sefydliadau sy'n dangos hanes o effeithiolrwydd ac effaith, llywodraethu a rheolaeth gref, rheolaeth ariannol effeithiol, ac sy'n gydweithredol ac yn draws-sectoraidd. Rydym ni wedi nodi isod ein barn ar yr hyn mae hyn yn ei olygu:

- Hanes o effeithiolrwydd ac effaith – mae hyn yn golygu meddu ar dealltwriaeth dda o'r anghenion sy'n cael eu diwallu a'r ffordd orau o fynd i'r afael â nhw, h.y. sail tystiolaeth i'ch gwaith; ymwybyddiaeth o sut mae eich gwaith yn ychwanegu gwerth ac yn ymwneud â gwaith pobl eraill ac yn ei ategu; systemau effeithiol i fonitro ac adolygu cynnydd; diwylliant o ddysgu, myfyrio a gwella; a bod yn effro i gyfleoedd am effaith ehangach.
- Llywodraethu a rheolaeth gref – mae hyn yn golygu sefydliad amrywiol gyda bwrdd medrus, profiadol ac ymgysylltiedig, ac arweinyddiaeth gref ac ysbrydoledig sy'n cyflawni amcanion y sefydliad, gan gynnwys dealltwriaeth o gryfderau a gwendidau'r sefydliad.
- Rheolaeth ariannol effeithiol – mae hyn yn golygu dealltwriaeth a goruchwyliaeth drylwyr o gyllid ar draws y Bwrdd a'r tîm arweinyddiaeth, gan gynnwys prosesau rheoli ariannol da, polisi cronfeydd wrth gefn sy'n cael ei ddilyn, ac angen ariannu amlwg, h.y. ddim yn cadw cronfeydd wrth gefn gormodol y tu allan i bolisi cronfeydd wrth gefn eich sefydliad, fel cronfeydd heb eu gwario, heb eu cyfyngu neu gronfeydd dynodedig, oni bai bod rheswm clir wedi'i gymeradwyo gan y Bwrdd dros wneud hynny.
- Cydweithredol a thraws-sectoraidd – mae hyn yn golygu gweithio gydag eraill, gan gynnwys y rhai sydd â safbwyntiau a rennir a gwahanol ac o wahanol sectorau, er mwyn gweithio'n fwy effeithiol a chyflawni nodau cyffredin.

Cyn gwneud cais, efallai y byddai'n ddefnyddiol i chi gwblhau ein [cwis cymhwysedd y gellir ei gyrchu drwy glicio yma](#). Gallwch hefyd gyfeirio at ein dogfen [Ydw i'n gymwys drwy glicio yma](#) os hoffech weld rhestr o'r holl gwestiynau ac atebion mewn PDF yn lle hynny.

Yr hyn rydyn ni'n edrych i'w ariannu

Ein nod

Er mwyn datblygu lles rydym ni'n credu bod angen i ni gefnogi sefydliadau elusennol sydd yn eu hanfod wedi ymrwymo i sicrhau hawliau pobl, cymdeithas a'r byd naturiol ar gyfer cenedlaethau'r presennol a'r dyfodol.

Yr hyn rydyn ni'n ei ariannu

Wrth ddylunio'r strategaeth hon, fe wnaethom ni feddwl yn ofalus am y cyd-destun yr ydym ni'n gweithredu ynddo. Credwn ein bod yn byw mewn oes o aflonyddwch sylweddol a bygythiadau byd-eang rhyng-gysylltiedig sy'n effeithio ar bobl, cymdeithas a'r byd naturiol ac y bydd yr atebion i'r rhain yn ennyn canlyniadau nawr, ond efallai y bydd angen degawdau a sawl cenhedlaeth cyn iddynt gael eu gwireddu'n llawn.

Fel gwneuthurwr grantiau sydd â phrofiad uniongyrchol o ariannu gwaith trwy ein strategaethau blaenorol sy'n ymwneud â'r amgylchedd, achosion cymdeithasol a'r

celfyddydau, rydym ni'n teimlo ein bod mewn sefyllfa dda i gefnogi gwaith elusennol sy'n ymateb i UN NEU FWY o'r canlynol:

- Mynd i'r afael â'r argyfwng planedol triphlyg trwy liniaru ac addasu i effeithiau hinsawdd, lleihau llygredd a diogelu ac adfer natur.
- Adeiladu mwy o ymddiriedaeth a chysylltiad, lleihau polareiddio o fewn cymdeithas a chynyddu lefelau cyfranogiad a dylanwad yn y broses wleidyddol (y cyfeirir ato weithiau fel cydraddoldeb gwleidyddol).
- Hyrwyddo datblygu a mabwysiadu modelau a systemau economaidd sy'n cefnogi pobl a'r blaned ac yn lleihau anghydraddoldebau cyfoeth.
- Hyrwyddo tegwch a chyfiawnder i gymunedau ymylol sy'n cael eu heffeithio gan y materion uchod.

Rydym ni'n edrych i ariannu sefydliadau sy'n gallu dangos bod y canlynol yn gynhenid i'w dull:

1. Sefydliadau sy'n gwneud newid.

Rydym am ariannu sefydliadau sydd:

- Yn deall eu rôl o fewn systemau presennol a/neu systemau newydd* a'r rôl sydd gan systemau ar bobl, cymdeithas a'r byd naturiol.
- Yn meddu ar strategaeth glir ar gyfer sut a pham eu bod yn bwriadu gwneud newid mewn systemau presennol a/neu systemau newydd, e.e. trwy herio uniongrededd hirdymor a dulliau busnes fel arfer, gan gynnwys ein helpu i weld y byd yn wahanol, neu fynd ar drywydd dulliau amgen a gwell ar gyfer pobl, cymdeithas a'r byd naturiol, neu gael dulliau polisi sy'n seiliedig ar dystiolaeth, gwaith eiriolaeth ac ymgrychu.
- Wedi'u gwreiddio mewn profiad ymarferol ochr yn ochr â'u gwaith newid.
- Yn ymwneud ag achosion amhoblogaidd neu anodd.

AC

2. Wedi ymrwymo i hyrwyddo cyfiawnder* trwy gyfranogiad gweithredol unigolion a chymunedau sydd â phrofiad personol neu uniongyrchol o'r materion.

Credwn fod dull seiliedig ar gyfiawnder yn helpu i sicrhau cydraddoldeb, mynediad a hawliau, yn enwedig i'r rhai sy'n profi allgáu ac effeithiau mwyaf andwyol yr oes hon o aflonyddwch sylweddol a bygythiadau byd-eang rhyng-gysylltiedig.

Rydym ni am gefnogi gwaith sy'n ceisio hyrwyddo cyfiawnder trwy wneud un neu fwy o'r canlynol:

- Adeiladu pŵer a mudiadau o fewn cymunedau trwy gefnogi gwaith actifiaeth a threfnu cymunedol.
- Eirioli dros newid ar y 'llwybr mewnol', e.e. trwy wella polisi, deddfwriaeth a/neu fframweithiau rheoleiddio o fewn sectorau gwleidyddol, cyhoeddus a chorfforaethol.
- Mynd i'r afael ag achosion sylfaenol anghyfiawnder, yn ogystal â'r symptomau.
- Datblygu syniadau a dulliau amgen sy'n adeiladu naratifau newydd a dealltwriaeth gyhoeddus o fater.

*Am ragor o fanylion am yr hyn yr ydym ni'n ei olygu gyda 'cyfiawnder' a 'systemau', gweler yr adran Cwestiynau Cyffredin.

Ar gyfer beth y gellir defnyddio ein grantiau

Rydym ni'n cynnig cyllid aml-flwyddyn ar gyfer costau craidd ac yn derbyn ceisiadau am uchafswm o £180k dros hyd at bum mlynedd. Rydym ni'n darparu cyllid o hyd at uchafswm o £60k y flwyddyn (e.e. byddai angen i sefydliad sy'n gwneud cais am £180k ofyn am y cyllid hwn dros o leiaf tair blynedd).

Mae gennym ni Dîm Grantiau bach, ac yn defnyddio agwedd lai manwl at reoli grantiau, sy'n golygu nad oes gennym y gallu i fod yn brif ariannwr sefydliad. Felly, gofynnwn i ymgeiswyr ystyried y swm maen nhw'n gofyn amdano y flwyddyn yn gymesur â'u hincwm blyneddol.

Cyllid craidd yw cyllid sy'n mynd tuag at gostau craidd cyflawni gwaith sefydliad. Gallai'r costau hyn gynnwys:

- cyflogau, hyfforddiant a threuliau staff
- costau a gweithrediadau rhedeg o ddydd i ddydd
- monitro a gwerthuso, gan gynnwys ymchwil
- cyfathrebu ac arloesi digidol.

Os yw'r rhan fwyaf neu'r cyfan o'r gweithgarwch mae eich sefydliad yn ymgymryd ag ef yn cyd-fynd â'n meini prawf ariannu, a'ch bod yn elusen wedi'i chofrestru yn y DU, yn gallwch wneud gais am gyllid craidd heb gyfyngiad. Fodd bynnag, os oes agweddau ar eich gwaith nad ydynt yn berthnasol, gofynnwn i chi nodi i ble y byddai'r arian yn cael ei gyfeirio yn eich sefydliad.

Nid ydym yn hoff o ddarparu cyllid prosiectau, gan nad oes gennym lawer o brofiad o hyn. Rhaid i sefydliadau sy'n gwneud cais am grantiau prosiect ddangos aliniad cyffredinol â'n meini prawf ariannu. Os ydych chi'n meddwl mai grant prosiect fyddai orau, trafodwch gyda ni yn gyntaf.

I gael syniad o'r math o grantiau rydyn ni wedi'u dyfarnu yn y gorffennol, edrychwch ar y rhestr grantiau ar ein gwefan neu ar 360Giving sy'n dangos hyd y grant, y swm a ddyfarnwyd a chrynodeb byr o beth oedd pwrpas y grant.

Yr hyn nad ydym yn ei ariannu

Nid ydym yn ystyried ceisiadau gan sefydliadau:

- nad ydynt yn bodloni ein meini prawf cymhwysedd sylfaenol fel yr amlinellir yn yr adran 'Pwy all wneud cais'
- sydd wedi gwneud cais yn aflwyddiannus o fewn y 12 mis blaenorol (yn seiliedig ar y dyddiad y cyflwynwyd y cais)
- sydd yn canolbwyntio ar un maes meddygol, megis clefyd unigol, organ neu gyflwr
- sydd yn ysbytai, hosbisau, ysgolion neu golegau
- sydd yn brifysgolion, oni bai bod y cais yn dod gan uned arbenigol prifysgol flaenllaw neu ganolfan ragoriaeth neu arweinydd yn y maes sydd â chyllideb weithredol o rhwng £100k a £10m, ac mae'r gwaith yn dangos ei fod yn unigryw, yn cynnwys partneriaethau ag elusennau neu debyg, bod ganddo gyllideb nad yw'n cynnwys unrhyw gyfraniad at orbenion canolog ac yn bodloni'n gryf ein meini prawf ariannu.

Ni wneir grantiau i nac at unrhyw un o'r dibenion canlynol:

- unigolion, gan gynnwys grantiau neu fwsariaethau myfyrwyr
- apeliadau cyffredinol a gornest gron
- datblygiadau cyfalaf ac eitemau unigol o offer
- hyrwyddo crefydd neu addoldai
- gweithgareddau dysgu a chymryd rhan yn y celfyddydau, lle mai dyma brif ffocws y cais

- cynlluniau hamdden neu wyliau unigol
- chwaraeon, lle mae hyn yn greiddiol i weithgareddau'r sefydliad
- addysg, megis mentrau sy'n gysylltiedig â'r cwricwlwm neu brosiectau addysgol
- lles anifeiliaid, canolfannau bridio caeth a/neu ganolfannau achub anifeiliaid fel prif bwrpas y gwaith
- ymchwil neu driniaeth feddygol, gan gynnwys gwasanaethau adsefydlu cyffuriau ac alcohol
- gweithio mewn carchardai a ddylai gael arian statudol ac nad yw'n mynd ar drywydd newid systemau ehangach
- ymgyrchoedd untro nad ydynt yn bodloni ein meini prawf ariannu ac nad ydynt yn rhan o strategaeth hirdymor glir ar gyfer y sefydliad
- digwyddiadau untro, megis cynadleddau, tripiâu, seminarau, dosbarthiadau meistr, ysgolion haf, comisiynau sengl neu gynyrchiadau
- dosbarthu ein cronfeydd fel grantiau ymlaen i sefydliadau eraill, oni bai ein bod wedi cytuno'n benodol i ymuno â chydweithrediad ariannwr lle bydd hyn yn digwydd
- gwaith sy'n ceisio hyrwyddo hawliau un grŵp neu grwpiau trwy ddileu hawliau grŵp neu grwpiau arall, ac yn sbarduno rhaniad.

Proses ymgeisio, gan gynnwys ein hymagwedd tuag at hygyrchedd, ac amserlenni

Er mwyn gwneud y cais gorau posibl, yna mae angen i chi sicrhau bod eich sefydliad yn gymwys a bod eich gwaith yn bodloni ein canllawiau ariannu.

Rydym ni'n derbyn mwy o geisiadau nag yr ydym ni'n gallu eu hariannu, ac os ydych chi'n aflwyddiannus byddwn yn rhoi adborth ynghylch pam. Gofynnir i ymgeiswyr aflwyddiannus aros am flwyddyn o'r dyddiad y gwnaethoch chi gyflwyno'ch cais blaenorol cyn i chi ailymgeisio.

I wneud cais i ni, mae angen i chi ddefnyddio ein porth ar-lein i greu cyfrif ar-lein. Gallwch greu cyfrif newydd neu fewngofnodi i gyfrif sy'n bodoli eisoes drwy [glicio yma](#). I gychwyn cais newydd, [cliciwch yma](#). Unwaith y byddwch wedi creu eich cyfrif ar-lein ac wedi uwchlwytho eich cais cam cyntaf byddwch yn derbyn cadarnhad ar unwaith.

Ein hymagwedd tuag at hygyrchedd

Gofynnwn i bob ymgeisydd gyflwyno cais ysgrifenedig dwy dudalen, a all fod ar ffurf Word neu PDF. Fodd bynnag, os oes gennych chi angen mynediad penodol sy'n ei gwneud yn anodd cyflwyno fel hyn, cysylltwch â ni a byddwn yn hapus i drafod gwneud addasiadau rhesymol i'r broses. Mae hyn yn cynnwys os ydych chi'n cael trafferth llywio'r porth ar-lein. I gefnogi ymgeiswyr, rydym ni wedi rhannu copïau o'r ffurflen gais cam cyntaf ac ail gam [y gellir eu cyrchu yma](#). Nod y rhain yw bod yn gydnaws ag offer hygyrchedd, ond os hoffech dderbyn fersiwn mewn fformat gwahanol, cysylltwch â ni. Ar gyfer pob ymholiad o'r fath, cysylltwch â beth@ellerman.org.uk.

Rydym ni wrthi'n ceisio gwella ein hygyrchedd ac yn croesawu unrhyw adborth mewn perthynas â hyn. Gallwch weld mwy o fanylion am ein hymagwedd tuag at hygyrchedd yn ein [Datganiad Hygyrchedd y gellir ei gyrchu drwy glicio yma](#) ac yn [y blog hwn ar ein gwefan y gellir ei ddarllen drwy glicio yma](#).

Y weithdrefn ymgeisio

Mae dau gam i'r broses ymgeisio:

CAM UN

1. Llenwch gynnig dwy dudalen A4 gan ddefnyddio maint ffont 10 o leiaf gyda'r penawdau canlynol:

- Crynodeb byr o nodau a gweithgareddau eich sefydliad, gan gynnwys dangos eich bod yn sefydliad sy'n cael ei redeg yn dda.
 - Amlinelliad o'ch ymagwedd at wneud newid a hyrwyddo cyfiawnder trwy gyfranogiad gweithredol unigolion a chymunedau sydd â phrofiad personol neu uniongyrchol o'r materion, a rhannu sut mae eich gwaith yn ymwneud ag un neu fwy o'r canlynol:
 - mynd i'r afael â'r argyfwng planedol triphlyg o newid yn yr hinsawdd, llygredd a cholli natur;
 - Adeiladu mwy o ymddiriedaeth a chysylltiad, lleihau polareiddio o fewn cymdeithas a chynyddu lefelau cyfranogiad a dylanwad yn y broses wleidyddol;
 - hyrwyddo datblygu a mabwysiadu modelau a systemau economaidd sy'n cefnogi pobl a'r blaned ac yn lleihau anghydraddoldebau cyfoeth;
 - hyrwyddo tegwch a chyfiawnder i gymunedau ymylol sy'n cael eu heffeithio gan y materion hyn.
 - Yr hyn yr hoffech i ni ei ariannu a pham yr ydych mewn sefyllfa dda i wneud y gwaith hwn.
2. Gofynnir i chi uwchlwytho'r dogfennau ariannol canlynol ochr yn ochr â'r cais i dystiolaeth bod eich incwm blynyddol yn uwch na £100k ac yn is na £10m:
- Eich cyfrifon ariannol (drafft neu gyhoeddedig) o'r flwyddyn ariannol flaenorol.
 - Eich cyfrifon rheoli (gan gynnwys cyllideb incwm a gwariant blwyddyn lawn) ar gyfer y flwyddyn ariannol gyfredol.
 - Os yw eich cyfrifon yn dangos gwarged neu ddiffyg sylweddol, cronfeydd wrth gefn uchel neu isel y tu allan i'ch polisi cronfeydd wrth gefn, byddwn yn gofyn i chi roi esboniad byr.
3. Gofynnir i chi hefyd gyflwyno ffurflen gais gyd-fynd gyda data sylfaenol fel manylion cyswllt, a gwybodaeth sy'n ymwneud â Safon Ddata DEI (nid yw'r wybodaeth hon yn cael ei defnyddio fel rhan o'r broses asesu – gweler ein hadran ar DEI yn ddiweddarach yn y ddogfen am fwy o fanylion).

Unwaith y byddwch wedi creu eich cyfrif ar-lein ac wedi uwchlwytho eich cais cam cyntaf byddwch yn derbyn cadarnhad ar unwaith.

CAM DAU

Os bydd eich cais yn mynd ymlaen i'r ail gam, byddwn yn gofyn am gynnig manylach a gwybodaeth ychwanegol. Yna byddwn yn trefnu i gwrdd â chi i gael gwybod mwy am eich gwaith.

Llinellau amser

Rydym yn gwneud penderfyniadau ariannu drwy gydol y flwyddyn, sy'n golygu y gallwch wneud cais am gyllid trwy'r flwyddyn. Rydym ni'n gwario'n gyfartal trwy gydol y flwyddyn ac nid oes unrhyw adeg 'da' neu 'ddrwy' o'r flwyddyn i wneud cais i ni.

Rydym ni'n adolygu cymhwysedd ceisiadau unwaith y mis, fel arfer yng nghanol y mis. Os ydych chi'n anelu at rownd benodol o wiriadau cymhwysedd, rydym ni'n awgrymu eich bod yn cyflwyno'ch cais erbyn dechrau'r mis hwnnw. Mae ein hymddiriedolwyr yn gweithio gyda'r tîm mewn 'Cyfarfodydd Hidlo' misol i adolygu'r holl geisiadau cam cyntaf cymwys, fel arfer ar ddechrau'r mis. Yn y cyfarfod hwn, maen nhw'n penderfynu pa geisiadau i symud ymlaen i'r ail gam. Os byddwch yn mynd ymlaen i gam dau, yna byddwch yn cael pedair wythnos i gyflwyno eich cynnig ail gam, a phedair wythnos arall i ni gwrdd â'ch tîm, cyfanswm o wyth wythnos ar gyfer y cam hwn. Yna bydd ein hymddiriedolwyr yn gwneud penderfyniad terfynol ynghylch pa geisiadau i'w hariannu yn ein cyfarfodydd Bwrdd bob deufis.

Isod, rydym yn nodi'r amserlenni yr ydym ni'n anelu at eu cyflawni i ymateb i'ch cais:

- Byddwch yn derbyn cadarnhad o'ch cymhwysedd o fewn tua phedair i chwe wythnos ar ôl cyflwyno eich cais cam cyntaf i ni.
- Byddwch yn derbyn penderfyniad ar eich cais cam cyntaf o fewn wyth i 10 wythnos ar ôl cyflwyno eich cais cam cyntaf i ni.
- Byddwch yn derbyn penderfyniad ar eich cais ail gam o fewn pedair i wyth wythnos ar ôl cyflwyno'ch cais ail gam i ni.

Mae'r tabl isod yn amlinellu dilyniant y tri phwynt penderfynu hyn yn ystod y flwyddyn:

Gwriad cymhwysedd (canol y mis)	Cyfarfodydd hidlo (Dechrau'r mis)	Cyfarfod y Bwrdd (Diwedd y mis)
Medi	Hydref	Ionawr
Hydref	Tachwedd	
Tachwedd	Rhagfyr	Mawrth
Rhagfyr	Ionawr	
Ionawr	Chwefror	Mai
Chwefror	Mawrth	
Mawrth	Ebrill	Gorffennaf
Ebrill	Mai	
Mai	Mehefin	Medi
Mehefin	Gorffennaf	
Gorffennaf	Awst	Tachwedd
Awst	Medi	
Os ydych chi'n anelu at rownd benodol o wiriadau cymhwysedd, rydym ni'n awgrymu eich bod yn cyflwyno'ch cais erbyn dechrau'r mis hwnnw.	Rydym yn hysbysu ymgeiswyr am ganlyniad eu cais cam cyntaf erbyn diwedd y mis.	Rydym yn hysbysu ymgeiswyr ail gam o ganlyniad eu cais o fewn 48 awr i gyfarfod y Bwrdd.

Os nad ydych yn siŵr a ydych am wneud cais neu os oes angen rhagor o wybodaeth arnoch am y broses ymgeisio, ffoniwch ni ar 020 7451 1471 neu e-bostiwch beth@ellerman.org.uk. Rydym ni'n hapus i gynnig cyngor ar geisiadau dros y ffôn, galwad fideo neu e-bost.

Ein gwerthoedd a'n hymagwedd tuag at Amrywiaeth, Tegwch a Chynhwysiant

Ein gwerthoedd

Rydym ni'n ymdrechu i gymhwyso ein pum gwerth o fod yn ymatebol, hyblyg, craff, cysylltiedig a chymhwyso cyffyrddiad personol i bob agwedd ar ein grantiau.

Ein dull tuag at Amrywiaeth, Tegwch a Chynhwysiant (DEI)

Credwn fod yn rhaid i egwyddorion DEI arwain popeth a wnawn, a gellir crynhoi hyn fel: recriwtio, cadw a datblygu staff ac Ymddiriedolwyr; rheoli ein gwaddol sylfaenol; rhoi grantiau; ein cyfathrebu mewnol ac allanol; a'n dadansoddiad o darddiad ein cyfoeth trwy ein Prosiect Hanes.

Fel nifer o'n cyfoedion, rydym ni'n cydnabod bod y methiant i flaenoriaethu a gwella arferion DEI o fewn dyngarwch sefydliadol a'r sectorau elusennol a dyngarol ehangach wedi arwain

at ddosbarthu cyllid yn annheg. Fel sector, mae'r methiant hwn yn amlwg trwy ein timau staff a'n Byrddau nad ydynt yn amrywiol, a'r ffyrdd mae ein harferion ariannu, prosesau a diwylliannau yn rhoi grwpiau ymylol dan anfantais anghymesur – ymhlith yr union grwpiau yr ydym yn ceisio eu cefnogi trwy ein cyllid yn y lle cyntaf. Gallwch ddarllen ein [Polisi DEI yn llawn ar ein gwefan drwy glicio yma](#).

Rydym ni wedi mabwysiadu'r Safon Data (DEI) yn ein grantiau, sy'n golygu ein bod yn gofyn i ymgeiswyr ddarparu gwybodaeth am DEI fel rhan o'u cais cam cyntaf. Cynhyrchwyd Safon Data DEI gan grŵp o gyllidwyr elusennol, gan gynnwys ni, a gallwch ddarganfod mwy am y gwaith hwn [drwy ymweld â gwefan Gweithgor Safon Data DEI drwy glicio yma](#). Rydym ni'n gofyn y cwestiynau hyn i gael gwell dealltwriaeth o'r mathau o sefydliadau sy'n gwneud cais i ni ac rydym ni'n mynd ymlaen i'w hariannu. Sylwch **nad yw'r** wybodaeth a ddarperir yn cael ei defnyddio fel rhan o'n proses gwneud penderfyniadau. Nid oes barn na dewis ar gyfer ymatebion penodol. Mae gan ymgeiswyr hefyd yr opsiwn o ddewis 'gwell peidio â dweud' ar gyfer yr adran hon o'r cais.

Cwestiynau cyffredin a dolenni defnyddiol

Mae'r cwestiynau cyffredin canlynol yn ymwneud â gwybodaeth nad yw'n cael ei chynnwys mewn manau eraill yn y canllawiau ariannu hyn.

A oes angen i'm sefydliad fod yn elusen i wneud cais?

Os ydych chi'n sefydliad ymgyrchu sydd â rhesymau cryf a chlir dros beidio â bod yn elusen gofrestredig yn y DU, gan gynnwys methu cofrestru, yna gallwch wneud cais i ni. Byddwn yn derbyn ceisiadau gan gwmnïau cyfyngedig trwy warant, gan gynnwys CICs, neu sefydliadau a gynhelir yn ariannol. Nid ydym yn derbyn ceisiadau gan gwmnïau cyfyngedig gan gyfranddaliadau, nac unrhyw un o'r mathau o sefydliadau a restrir yn ein hadran 'Yr hyn nad ydym yn ei ariannu'. Rhaid i gwmnïau cyfyngedig trwy warant gael clo asedau, gallu dangos bod ganddynt wrthrychau elusennol, a pheidio â thalu difidendau neu gyflogau gormodol i Gyfarwyddwyr. Rhaid i chi fodloni ein holl feini prawf ariannu eraill. Ar gyfer sefydliadau a gynhelir yn ariannol, bydd angen i chi ddangos tystiolaeth bod incwm eich sefydliad neu grŵp (yn hytrach nag incwm cyfanredol y gwesteion cyllidol) yn uwch na £100k ac yn is na £10m. Efallai y byddwn yn gofyn i gwrdd â gwesteiwyr cyllidol, lle bo hynny'n berthnasol, fel rhan o'n proses ail gam.

Ydych chi'n gwneud grantiau dramor?

Ydym – rydym yn cefnogi gwaith amgylcheddol yn Nhiriogaethau Tramor y DU (UKOTs). Mae hyn fel arfer yn cael ei gyflawni trwy gydweithrediad ariannwr ar y cyd o'r enw Cronfa UKOTs ac mae canllawiau ariannu gwahanol yn cael eu cymhwyso ar gyfer y gwaith hwn. Pan fydd Cronfa UKOTs ar agor, byddwn yn ei gyhoeddi trwy alwad agored. Fodd bynnag, pan fydd y gronfa gyfunol ar gau, gall sefydliadau UKOT hefyd wneud cais atom gan ddefnyddio'r prif ganllawiau ariannu hyn, ar gyfer gwaith amgylcheddol sy'n gysylltiedig â'r argyfwng planedol driphlyg yn unig. Os ydych chi'n ystyried gwneud cais am waith yn yr UKOTs, rydym yn argymhell eich bod yn cysylltu â ni yn gyntaf a byddwn yn hapus i drafod cais posibl.

Ar gyfer gwaith yn Nhiriogaethau Tramor y DU, rydym yn ariannu elusennau yn y DU sy'n gweithio yn yr UKOT, ac rydym ni hefyd yn hapus i dderbyn ceisiadau uniongyrchol gan elusennau sydd wedi'u cofrestru yn y Tiriogaethau, gan gynnwys drwy gwndidau yn y DU. Ein nod yw mabwysiadu ymagwedd gynnil a gwahaniaethu rhwng Tiriogaethau yn seiliedig ar eu systemau llywodraethu elusennau priodol. Yn ymarferol mae hyn yn golygu'r canlynol:

- Bydd cyrff anllywodraethol sydd wedi'u cofrestru mewn Tiriogaethau â systemau llywodraethu elusennau wedi'u modelu yn y DU (Bermuda, Ynysoedd Cayman, Gibraltar, a St Helena) yn gallu gwneud cais yn uniongyrchol.

- Bydd elusennau sydd wedi'u cofrestru mewn Tiriogaethau sydd â systemau goruchwyllo dielw sy'n canolbwyntio'n bennaf ar gyllid (Anguilla, Ynysoedd Virgin Prydain, Montserrat, Turks & Caicos) hefyd yn cael eu hystyried ar gyfer cyllid uniongyrchol. Fodd bynnag, er mwyn sicrhau lefel ychwanegol o gydymffurfiaeth, bydd gofyn i gyrff anllwyodraethol o'r Tiriogaethau hyn ddangos tystiolaeth eu bod wedi cael eu derbyn yn llwyddiannus fel y sefydliad arweiniol ar grant prosiect Darwin Plus Llywodraeth y DU.
- O ystyried yr ychydig iawn o lywodraethu elusennau lleol ni fyddwn yn derbyn ceisiadau am gyllid uniongyrchol gan gyrff anllwyodraethol sydd wedi'u cofrestru yn Ynysoedd y Falklands yn unig a bydd yn gofyn i geisiadau gael eu gwneud trwy elusen sydd wedi'i chofrestru yn y DU.

Os nad yw'ch Tiriogaeth wedi'i rhestru, neu os oes gennych unrhyw ymholiadau ynghylch y mecanwaith ymgeisio mwyaf priodol, mae croeso i chi gysylltu ag aelod o'r Tîm Grantiau am gyngor.

Nid yw Tiriogaethau Dibynnol ar y Goron beiliaethau Jersey a Guernsey sy'n ffurfio Ynysoedd y Sianel, ac Ynys Manaw yn rhan o'r Deyrnas Unedig. Felly nid yw sefydliadau sydd wedi'u cofrestru yn y Tiriogaethau Dibynnol ar y Goron yn gymwys.

Sut ydych chi'n diffinio 'systemau' a 'newid systemau'?

Rydym ni'n teimlo bod dau fath o systemau ac y bydd y rhain bob amser yn cyd-fodoli gan eu bod yn dysgu a thyfu oddi wrth y llall.

1. Mae *systemau presennol* yn gallu tyfu, ond weithiau yn profi dirywiad oherwydd nad ydynt yn gweithredu mor effeithiol ag y dylent a/neu nad ydynt o fudd i bob person a'n planed. Disgrifir y mathau hyn o systemau weithiau fel systemau *cryfaf*.
2. Mae *systemau newydd* yn chwilio am ddulliau ac atebion newydd i'r heriau a'r cyfleoedd sy'n ein hwynebu. Gellir eu disgrifio hefyd fel systemau *sy'n dod i'r amlwg*.

Mae enghreifftiau o systemau yn cynnwys (ond heb fod yn gyfyngedig i) systemau sifil, economaidd, naturiol a gwleidyddol. Rydym ni eisiau buddsoddi mewn gwaith sy'n ceisio adeiladu ar a'i wella'r byd fel y mae. Rydym ni hefyd eisiau buddsoddi mewn dulliau newydd sy'n ceisio ail-lunio sut y gallai'r byd fod. Rydym ni'n teimlo bod y pedwar maes yr ydym ni'n eu blaenoriaethu yn ein strategaeth bresennol i gyd yn cynnig enghreifftiau o ffyrdd o weithio mewn systemau presennol a newydd.

Ein cred yw bod systemau'n dibynnu ar wahanol bobl o bob cefndir. Bydd rhai yn amddiffyn systemau presennol rhag dirywiad fel y gallant barhau i ddarparu cefnogaeth i bobl, cymdeithas a'r byd naturiol. Bydd pobl yn tynnu sylw at y ffyrdd mae'r systemau hyn yn gweithio (neu ddim yn gweithio) a pham, a beth sydd angen i ni ystyried ei gadw a'r hyn mae angen i ni ystyried ei adael. Bydd eraill yn canolbwyntio eu hegri ar hyrwyddo a datblygu systemau newydd oherwydd materion a rhwystredigaethau o fewn y systemau presennol.

Gwyddom fod amrywiaeth o ffyrdd o wneud newid a chynnydd o fewn systemau. Rydym ni'n cefnogi dulliau cydnabyddedig o newid systemau, yn ogystal â dulliau sy'n llai profi neu y gellid eu disgrifio fel dulliau allanol neu ymylol. Nid ydym yn disgwyl i ymgeiswyr fod yn gweithio ym mhob rhan o'r systemau hyn. Fodd bynnag, rydym yn disgwyl iddynt allu esbonio pa systemau maen nhw'n ceisio dylanwadu arnynt, beth yw eu lle ynddynt, a sut maen nhw'n anelu at wneud hynny.

I gael rhagor o fanylion am ein dull o newid systemau a gwneud newidiadau, gweler ein [strategaeth ar gyfer 2025 i 2030 sydd ar gael trwy glicio yma](#).

Sut ydych chi'n diffinio 'cyfiawnder'?

Rydym ni'n defnyddio'r term 'cyfiawnder' fel fframwaith i ddeall achosion sylfaenol systemig problemau. Rydym ni'n gweld sefydliadau yn y sector gwirfoddol yn defnyddio 'cyfiawnder'

yn rheolaidd fel ffrâm ar gyfer amrywiaeth o faterion gwahanol a chroestorri, e.e. cyfiawnder hiliol, cyfiawnder hinsawdd, cyfiawnder ymfudo, cyfiawnder rhwng y rhywiau. Mae ein dealltwriaeth o gyfiawnder yn ymwneud â mynediad at adnoddau, tegwch canlyniadau, cyfranogiad, amrywiaeth a gwrthsefyll gwahaniaethu, a hawliau dynol.

Pryd alla i ailymgeisio os oes gen i grant? Ydych chi'n darparu cyllid parhad?

Gall deiliaid grantiau presennol ailymgeisio hyd at dri mis cyn dyddiad gorffen eu grant.

A allaf drafod fy nghais gyda chi cyn i mi wneud cais?

Rydym bob amser yn hapus i drafod ceisiadau posibl. Cyn i chi gysylltu, darllenwch ein canllawiau. Gallwch gysylltu â'n tîm gan ddefnyddio'r manylion ar yr adran 'Cysylltu â ni' ar ein gwefan.

A oes angen i'n cyfrifon gael eu harchwilio gan archwilydd annibynnol?

Rhaid i'ch cyfrifon gadw at ganllawiau'r Comisiwn Elusennau, ac felly os gallwch chi gyflwyno cyfrifon sydd wedi cael eu hadolygu gan arholwr annibynnol, yna byddwn yn derbyn y rhain hefyd. Os nad ydych chi'n elusen gofrestredig, yna rhaid adolygu eich cyfrifon yn unol â'r prosesau sydd ar waith ar gyfer eich math o sefydliad.

Beth mae'n ei olygu bod y Sefydliad yn Ariannwr Cyflog Byw?

Rydym yn Ariannwr Sy'n Cyflog Byw, sy'n golygu ein bod wedi ymrwymo i fynd i'r afael â chyflog isel drwy annog y sefydliadau rydym yn eu cefnogi i dalu'r Cyflog Byw go iawn.

Gallwch [ddarganfod mwy am y Cyflog Byw drwy glicio yma](#).

Rydym am gefnogi deiliaid grantiau i dalu'r Cyflog Byw i'w gweithwyr fel yr amlinellir uchod. Ystyriwch hyn wrth wneud cais am gyllid i dalu am gyflogau yn eich cynigion. Efallai y bydd y Tîm Grantiau yn awgrymu newidiadau i gyllidebau lle credwn nad yw'r Cyflog Byw yn cael ei gynnig.

Beth allaf ei wneud os ydw i'n anhapus ynglŷn ag unrhyw gam o'r broses ymgeisio?

Rydym ni am i sefydliadau a'r unigolion sy'n cyflwyno ceisiadau gysylltu â ni os oes ganddyn nhw adborth ar ein proses ymgeisio a allai arwain at welliannau. Mae gennym ni hefyd Bolisi Cwynion y gallwch chi ei ddefnyddio os hoffech chi wneud cwyn, sydd ar gael [ar ein gwefan ac y gallwch ei gyrchu drwy glicio yma](#). Mae cwynion yn cael eu rheoli gan ein Uwch Reolwr Grantiau. Ar ben hynny, bob dwy neu dair blynedd rydym ni'n cynnal archwiliad a gomisiynwyd yn annibynnol o'n proses ymgeisio sy'n cael ei anfon at bob ymgeisydd a deiliad grant - mae hyn yn cynnig adolygiad o'n proses ymgeisio hefyd.

Am ba hyd y bydd yn rhaid i ni aros cyn derbyn arian ar ôl i gynnig gael ei gymeradwyo?

Ein nod yw dosbarthu taliad cyntaf grant cyn gynted â phosibl ar ôl derbyn a chymeradwyo'r manylion banc gofynnol fel y nodir yn y llythyr cynnig. Yr unig adeg y caiff hyn ei ohirio yw os oes amodau ar y grant, er enghraifft: mae'r grant yn daladwy wrth recriwtio i rôl.

A allaf gynnwys hyperddolenni a / neu ddelweddau yn fy nghais?

Gallwch gynnwys rhai hyperddolenni i wybodaeth atodol sy'n cefnogi'r hyn yr ydych chi wedi cyfeirio ato yn eich cais. Rydym ni'n eich annog i gynnig rhywfaint o gyd-destun ar gyfer yr hyperddolenni, gan efallai na fyddwn yn gallu darllen y wybodaeth sydd wedi'i chynnwys yn y wybodaeth sydd yn yr hyperddolenni'n llawn. Ni ddylid defnyddio hyperddolenni fel atodiadau i gynyddu cyfrif geiriau cyffredinol y cais, ond yn hytrach fel cyfle i bwyntio at wybodaeth sydd eisoes yn bodoli ac sydd ar gael i'r cyhoedd fel postiadau blog, erthyglau newyddion, neu ddogfennau strategaeth. Gellir defnyddio delweddau hefyd, ond nodwch y bydd angen cynnwys y delweddau hyn fel rhan o'r terfyn dwy dudalen a osodwyd gennym ar gyfer cais cam cyntaf.

Dyma restr o ddolenni defnyddiol a fydd yn eich cefnogi gyda'ch cais i ni:

[Cwis cymhwysedd](#)
[Fersiwn PDF o'n ffurflenni cais cam cyntaf ac ail gam](#)
[Ein Strategaeth 2025 i 2030](#)
[Dolen i'r porth ymgeisio ar-lein](#)

Cyngor pellach

Os nad ydych yn siŵr a ydych am wneud cais neu os oes angen rhagor o wybodaeth arnoch am y broses ymgeisio, ffoniwch ni ar 020 7451 1472 neu e-bostiwch beth@ellerman.org.uk. Rydym ni'n hapus i gynnig cyngor ar geisiadau dros y ffôn, galwad fideo neu e-bost.